

UPUTSTVO ZA PACIJENTA

*Prije upotrebe pažljivo pročitajte ovo uputstvo!
Uputstvo sačuvajte. Možda ćete željeti ponovo da ga pročitate.
Ako imate dodatnih pitanja, obratite se svom ljekaru ili farmaceutu.
Ovaj lijek je propisan lično Vama i ne smijete ga dati drugome.
Drugome ovaj lijek može da škodi, čak i ako ima znake bolesti slične Vašima.
Ako primjetite bilo koje neželjeno djelovanje, potrebno je obavjestiti ljekara ili farmaceuta.*



LORAMIN tablete 10 mg loratadin

Sadržaj uputstva:

1. Šta je **LORAMIN** i za šta se koristi?
2. Prije nego počnete uzimati **LORAMIN**
3. Kako uzimati **LORAMIN**?
4. Moguća neželjena djelovanja
5. Kako čuvati **LORAMIN**?
6. Dodatne informacije

1. Šta je LORAMIN i za šta se koristi?

LORAMIN tablete sadrže aktivnu supstancu loratadin koja pripada klasi lijekova pod nazivom "antihistaminici". **LORAMIN** tablete olakšavaju simptome alergijskog rinitisa (na primjer polenske groznice), kao što su kihanje, curenje iz nosa ili svrab nosa, kao i pečenje ili svrab očiju kod odraslih i djece starije od 2 godine koja su teška više od 30 kg. **LORAMIN** tablete takođe ublažavaju simptome urtikarije (svrab i crvenilo kože), koja je poznata pod nazivom koprivnjača. Dejstvo **LORAMIN**-a traje cijeli dan, tako da bi trebalo da Vam omogući da obavljate Vaše svakodnevne aktivnosti i da spavate. Ako se ne osjećate bolje ili se osjećate lošije, morate se obratiti Vašem ljekaru.

2. Prije nego počnete uzimati LORAMIN

Nemojte uzimati LORAMIN ako:

- ste alergični (preosjetljivi) na loratadin ili na bilo koju pomoćnu supstancu ovog lijeka (za listu svih pomoćnih supstanci pogledati dio 6)
- ako ste trudnica ili dojilja.

Budite oprezni sa LORAMINOM

Prije nego što uzmete lijek **LORAMIN**, razgovarajte sa svojim ljekarom ili farmaceutom ako:

- imate oboljenje jetre
- ste zakazali kožne testove na alergiju. Nemojte uzimati **LORAMIN** tablete dva dana prije zakazanih analiza, jer u protivnom može uticati na rezultate tih analiza.

Ako se bilo šta od ovoga odnosi na Vas (ili niste sigurni da li se odnosi na Vas) obratite se Vašem ljekaru ili farmaceutu prije nego što uzmete lijek **LORAMIN**.

Djeca

Nemojte davati **LORAMIN** tablete djeci mlađoj od 2 godine ili djeci od 2 do 12 godina koja nemaju 30 kg tjelesne mase. Za djecu od 2 do 12 godina koja su lakša od 30 kg postoje drugi, pogodniji lijekovi.

Uzimanje drugih lijekova sa LORAMINOM

Nuspojave lijeka **LORAMIN** mogu se pogoršati kada se **LORAMIN** uzima zajedno s lijekovima koji mijenjaju djelovanje nekih enzima odgovornih za metabolizam lijekova u jetri. Međutim, u kliničkim ispitivanjima nije opaženo pogoršavanje neželjenih djelovanja loratadina kada se uzima s lijekovima koji utiču na djelovanje tih enzima. Obavjestite svog ljekara ili farmaceuta ako uzimate ili ste nedavno uzeli ili biste mogli uzeti bilo koje druge lijekove. To uključuje i lijekove koje ste nabavili bez recepta.

Uzimanje hrane i pića sa LORAMINOM

Nije dokazano da **LORAMIN** tablete pojačavaju dejstvo alkoholnih pića.

Trudnoća i dojenje

Ako ste trudni, mislite da biste mogli biti trudni ili planirate trudnoću, obratite se svom ljekaru ili farmaceutu za savjet prije nego uzmete ovaj lijek.

Preporučuje se, kao mjeru predostrožnosti, izbjegavati primjenu lijeka **LORAMIN** tokom trudnoće. Ako dojite, nemojte uzimati **LORAMIN**. Loratadin se izlučuje u majčino mlijeko.

Upravljanje vozilima i rukovanje mašinama

Ako se uzima u preporučenoj dozi, ne očekuje se da ćete od **LORAMIN** tableta postati pospani i nepažljivi. Međutim, veoma rijetko se dešava da neki ljudi postanu pospani, što može uticati na sposobnost upravljanja motornim vozilom ili rukovanja mašinama.

Ostala upozorenja

LORAMIN tablete sadrže laktozu. Ako Vam je ljekar rekao da imate bolest nepodnošenja nekih šećera, prije nego što počnete primjenjivati ovaj lijek, posavjetujte se sa Vašim ljekarom.

3. Kako uzimati LORAMIN?

Uvijek uzimajte ovaj lijek tačno onako kako Vam je rekao Vaš ljekar ili farmaceut. Ako niste potpuno sigurni, obratite se Vašem ljekaru ili farmaceutu.

Primjena ovog lijeka kod djece

Za djecu je bolji loratadin u obliku sirupa. Važno je da znate koliko kilograma ima Vaše dijete da biste znali koliko tačno lijeka mu je potrebno. Na primjer, 9-godišnje dijete je teško oko 30 kg. Ako niste sigurni, izvagajte dijete i potom slijedite uputstvo u nastavku ovog teksta.

Ovaj lijek nemojte davati djeci mlađoj od 2 godine ili djeci koja imaju 30 kg i manje.

- Odrasli i djeca starija do 12 godina: 1 tableta jedanput dnevno uz čašu vode, sa hranom ili bez nje.

Djeci u dobi od 2 do 12 godina, doza se određuje prema tjelesnoj težini:

Tjelesna težina veća od 30 kg: Uzmite jednu tabletu jedanput na dan uz čašu vode, s hranom ili bez nje.

Tjelesna težina 30 kg ili manja: Nemojte davati **LORAMIN**. Postoje druge formulacije koje su pogodnije za djecu u dobi od 2 do 12 godina tjelesne težine 30 kg ili manje.

LORAMIN se ne preporučuje kod djece mlađe od 2 godine.

Odrasli i djeca s teškim problemima s jetrom

Odrasli i djeca tjelesne težine veće od 30 kg Uzmite jednu tabletu svaki drugi dan uz čašu vode, s hranom ili bez nje. Međutim, prije nego što uzmete ovaj lijek, morate se obratiti svom ljekaru ili farmaceutu.

Ako uzmete više LORAMIN-a nego što biste trebali
Odmah se obratite Vašem ljekaru ili farmaceutu. Ne očekuje se pojava bilo kakvih ozbiljnih problema, međutim možete imati glavobolju, ubrzani rad srca ili možete biti pospani.

Ako ste zaboravili uzeti LORAMIN

Ako ste zaboravili uzeti svoju dozu lijeka, uzmite je čim se sjetite, a onda nastavite sa uzimanjem lijeka kako Vam je propisano. Nikada ne uzimajte duplu dozu da nadoknadite propuštenu. Ako želite znati više o primjeni ovog lijeka, pitajte svog ljekara ili farmaceuta.

Ako prestanete uzimati LORAMIN

Uzimajte lijek onoliko koliko Vam je ljekar propisao. Nemojte prestati uzimati lijek ako se budete osjećali bolje, jer se simptomi bolesti mogu vratiti. Crta na površini tablete služi da možete da prepolovite tabletu samo ako Vam je teško da je progutate cijelu. U slučaju bilo kakvih nejasnoća ili pitanja u vezi sa primjenom lijeka **LORAMIN** obratite se svom ljekaru ili farmaceutu.

4. Moguća neželjena djelovanja

LORAMIN tablete, kao i drugi lijekovi, može imati neželjena djelovanja, mada se ona ne moraju ispoljiti kod svih.

Najčešće prijavljena neželjena djelovanja kod odraslih i djece starije od 12 godina su sljedeća:

- pospanost
- glavobolja
- jači apetit
- poremećaj sna.

Najčešće prijavljena neželjena djelovanja kod djece od 2 do 12 godina su sljedeća:

- glavobolja
- nervoza
- umor.

Sljedeća veoma rijetka neželjena djelovanja (javljaju se kod 1 od 10 000 pacijenata koji uzmu ovaj lijek) koja su prijavljena su:

- teška alergijska reakcija
- omaglica
- konvulzije
- brz ili nepravilan rad srca
- mučnina
- suha usta
- uznemiren stomak
- problemi sa jetrom
- gubitak kose
- kožni osip
- umor.

Prijavljivanje sumnje na neželjena djelovanja lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. Kako čuvati LORAMIN

LORAMIN čuvati van dohvata djece.

Čuvati na temperaturi do 25 °C u originalnom pakovanju.

Rok trajanja

3 godine

Rok trajanja lijeka je naznačen na pakovanju.

Istek roka upotrebe odnosi se na zadnji dan navedenog mjeseca.

LORAMIN tablete ne smijete primijeniti nakon isteka roka trajanja!

6. Dodatne informacije

Sastav

LORAMIN 10 mg: jedna tableta sadrži 10 mg loratadina kao aktivnu supstancu.

Pomoćne supstance: laktoza monohidrat, mikrokristalna celuloza, kroskarmeloza natrij, kopovidon, magnezij stearat.

Kako LORAMIN izgleda i sadržaj pakovanja?

Kutija lijeka sa 10 tableta (okrugle, bijele boje) od 10 mg loratadina u blister pakovanju.

Kutija lijeka sa 30 tableta (okrugle, bijele boje) od 10 mg loratadina u blister pakovanju.

PROIZVOĐAČ (administrativno sjedište),

PROIZVOĐAČ GOTOVOG LIJEKA (mjesto puštanja serije lijeka u promet) i **NOSILAC ODOBRENJA ZA STAVLJANJE LIJEKA U PROMET:**

ZADA Pharmaceuticals d.o.o.

Donji Bistarac b.b.

75300 Lukavac

Režim izdavanja lijeka

Lijek se izdaje uz ljekarski recept.

Broj i datum rješenja o stavljanju lijeka u promet

04-07.3-2-2405/16 od 13.03.2017.

Datum zadnje revizije uputstva

Januar, 2017.

SPUP00403 V2